

Awe mainta durante ceremonia n'e edificio di Belasting:

Vision di Gabinete Oduber ta wordo cristalisa den dunamento di number na un di edificionan di SOGA

Di acuerdo cu MEP


PINOCCHIO
Kerkstraat #16 - Tel: 582-2266

Ta huur tur sorto di Dino Jump:

- casteel
- disney princes
- disney world
- race fun
- monster truck

Tambe nos ta huur tent, stoel y mesa pa tur bo celebracionnan

Kerkstraat 16 - Tel: 582-2266 - Cel: 564-1977



AWE dialuna mainta Gabinete Mike Eman lo bay tene un ceremonia n'e edificio di SOGA na Camacuri den cual ta ubica e Departamentonan di Belasting y Finanza y cual ceremonia ta encera cu lo bay duna e edificio aki e nomber di ex-Minister di Finanza Armand Engelbrecht den feliz memoria. Partido MEP no ta critica e ceremonia aki riba su mes, pero ta contento si cu porfin Gobierno actual di AVP ta duna reconocimiento na un vision cu a inicia algun aña pasa bao di Gabinete Oduber, esta e institucion di e fundacion SOGA (Stichting Onroerend Goed Aruba).

Mientrastanto mester bisa cu e ceremonia aki a keda cancela pa Gobierno. Pa ki motibo no a ser duna, pero a duna di conoce cu e ceremonia aki lo tuma lugar mas despues.

META DI SOGA

Nos tur por corda ainda con Gabinete Oduber e tempo ey a bin cu e formula di financiamiento pa cu construccion di edificionan di Gobierno, esta e tan afamado SOGA. Meta di e fundacion aki - cu ta un public private partnership - ta pa construi edificionan y huur esakinan cu Gobierno y esaki durante 25 aña largo y cu na final di e huurmento aki, e edificionan lo bira propiedad di Gobierno y cu den futuro Gobierno lo no tin cu bay huur edificio mas for di sector priva.

Consecuentemente e gastonan di huur dor di Gobierno lo baha drasticamente of te hasta completamente.

Alabez SOGA ta percura pa durante henter e periodo cu Gobierno ta huur e edificionan aki, cu esakinan lo wordo completamente bon manteni y cual tabata un problema cu semper tur Gobierno tabata sinta cune. Ta den e cuadro aki a construi tres edificio di Gobierno, esta uno pa Departamento di Finanza y Belasting na Camacuri, uno pa Departamento di Infraestructura na Sabana Blanco y e otro na L. G. Smith Boulevard caminda ATA ta ubica actualmente.

GABINETE EMAN A BRASA SOGA

Sinembargo nos no mester perde memoria y lubida nunca con e tempo ey e politiconan di AVP y en especial Benny Sevinger a demoniza y agita contra e estructura di financiamiento dor di SOGA. Nan a venena mente di pueblo cu e gobernantenan di MEP ta corrupto, cu Gobierno lo paga na total dos pa tres biaha e balor di e edificionan aki, cu no tin ningun beneficio n'e forma di financiamiento aki, cu ora nan drenta Gobierno nan lo kibra tur e contractnan sera cu SOGA y un hala di acusacion baho mas.


Sinembargo kico nos por a mira desde 2010 di e actitud di Gabinete Mike Eman pa cu SOGA? Gabinete Mike Eman tin SOGA duro duro den su

brasanan teni y den apenas 3 aña nan a firma un cantidad di contract cu SOGA pa construccion di otro edificionan, manera e.o. Hospitaal cu lo costa mas cu 900 miyon florin, e 5 hulpbestuurskantoornan pa 80 miyon florin, e edificio di John F. Kennedyschool pa 30 miyon florin y supuestamente tambe e construccion di un HAVO/VWO School na Noord. Pero e pregunta cardinal di pueblo ta: Nos por mira te cu awe construccion di tur e edificionan menciona ta avansando? Despues di 3 aña di Gabinete Eman nos por a mira 'groundbreaking' di sikiera un di e edificionan aki caba?

Cu e institucion di SOGA dor di Gobierno di MEP, pueblo mes por mira cu Mike Eman no tabatin ningun vision y plan drechi y cu su gobernacion ta un 'copy paste' di e gobernacion anterior di MEP, solamente cu Gobierno di MEP si no tabata derocha placa di pueblo na nan antoho. Awe mainta n'e ceremonia di edificio di BelFin t'e momento propicio pa Mike Eman publicamente pidi disculpa n'e ex-gobernantenan di MEP cu inecesariamente a wordo demoniza den pasado y gradici nan p'e vision di por a institui SOGA cual a resulta sumamente beneficoso pa henter nos comunidad y cu awe nan tambe por pronkia cu e fundacion aki, pero cu manera menciona, esaki no ta sigui mas awe, ya Gobierno a pospone e ceremonia aki.

HITESS
HIGH TECHNOLOGY SALES & SERVICES N.V.
DUTCH CARIBBEAN

Special on Cables



XMVK 3x2.5 roll 100m	210,=
YMKV 3x2.5 roll 100m	230,=
YMKV 3x4 roll 100m	350,=
Snoer 3x2.5 mm2 Wit roll 100m	235,=

We have a wide variety of other cables on stock.
Come visit us to check our special prices.

* Cash price

Opening hours: Mon-Fri 8 am - 5:30 pm NON STOP
Sat 8:00 am - 12:00 pm

Arendstraat 124 • Tel: 588-5966 • www.hitess.com • info-aruba@hitess.com